

JISŌS EJ DEĻŌŅ JERUSALEM; JUDAS EJ PEPE IN KETAK JISŌS; KWŌJKWŌJ EO

Kōttōpar ko an katak in:

- Kwaļok bwe Jisōs ej Ri Lomōor eo me eņōj kallimur kake.
- Kwaļok bwe Jisōs ear jeļā ta eo enaaj waļok ñan E.
- Kwaļok bwe e jab ro rej ļoor Jisōs rej mool in Kristian.
- Kwaļok meļeļein kwōjkwōj eo (kejota an Irooj).

Meļeļe ko reļap ilo katak in:

- Jen lo bwe e jab bwe baj nōbar Jisōs kōn tied.
- Jen lo joñan an nana men eo Judas ear kōmmane.
- Jen lo bwe kwōjkwōj in kijoone e tōprak ilo Kraist.
- Jen lo bwe mej an Jisōs wōt e maroñ lomōoren kōj.


Ilo book in Jenesis jej lo kallimur mōktata kōn itok eo an Jisōs Kraist. Kallimur in me ej waļok ilo Jenesis 3:15 ej kwaļok bwe Anij enaaj jilkintok juon Ri Lomōor ilo nememen wōt armej. Ri Lomōor in enaaj anjō ioon Jetan kōn An juur bōrān. Bōtab ilo An anjō Enaaj barāinwōt eñtaan. Enaaj kinejne jimwin neen.

Ri kanaan ro an Anij ilo Kallimur Mōkta raar kwaļok elōñ kakōļle ko ñan kaṁool wōn Ri Lomōor in. Raar kwaļok jikin An naaj ļotak ie. Raar kwaļok wāween An naaj ļotak. Raar barāinwōt kwaļok kōn wāween im unin An naaj mej. Jisōs ear kajejjet aolepen kakōļle kein. Ejjeļok kajjitōk bwe Jisōs ear Ri Lomōor eo eņōj kallimur kake. Innām etke armej ro raar jab bōk E? Etke raar jab mōkaj in tōmak e? Ilo katak in rainin jenaaj lo bwe meñe Jisōs ear deļoņ ilo jikinkweilok in Jerusalem bwe En kaṁool bwe e Ri Lomōor eo eņōj kallimur kake, elōñ raar jab lōke E.

1. Jisōs ear deļoņ ilo jikinkweilok in Jerusalem.



Mark 11:1,2 Im ke rej kepaak ñan Jerusalem, ñan Betpeje im Betani, ilo toļ Olivet, Ej jilkinļok ruo rū kaļoran, im ba ñan er, “Kōmwin ilok ñan jikin kweilok e dik ikijjemi, im ñe koṁ deļoņ ilowaan, enaaj mōkaj amiro lo juon koon e lokjak, ejjeļok armej ear jijet ioon; koṁwin jeļate, im āñintok e.”



Ewi wāween bwe an Jisōs deļoņ ilo Jerusalem ej kaṁool bwe E Ri Lomōor eo eņōj kallimur kake ilo Kallimur Mōkta? Anij wōt e jeļā aolep men. Anij wōt ej kabwijeri im kapeke aolep men. Roņjake mōk naan ko an Jisōs.



Mark 11:3-6 Im eļāñne jabdewōt armej ej ba ñan koṁro, ‘Etke koṁij kōmman men in?’ Koṁwin ba, ‘Bwe Irooj eo ej aikuj e’; im enaaj mōkaj an jilkintok e.” [4] Im rejro ilok, im

lo koon e lokjak ilikin turun kōjām ilo iaļ, im rej jeļate. [5] Im jet iaan ro rej jutak ijo re ba ñan erro, “Komij et jeļate koon ñe?” [6] Im rejro ba ñan er āinwōt Jisōs ear jiroñ er, im rej kōtļok erro.

Elmān an kar Jisōs jeļā bwe koon in donkey enaaj lokjak ikijjien juon eṃ ilowaan jikin kweļok eo im bwe armej ro me nejaer koon eo renaaj kōtļok bwe rū kaļoran ren bōk e? Ej kōnke E Anij im eṃōj An kar kapoje im kōlaajraki aolep men āinwōt ke E Anij.

* **Jisōs ej Anij.**

2. Elōñ armej raar karuwainenetok Jisōs āinwōt aer Ri Lomōḡor jān jorrān ko aer.



Mark 11:7-10 Im rejro āñintok koon eo ñan Jisōs, im ere kōn kopā ko aer ioon, im Ej jijet ioon. [8] Im elōñ rej ere iaļ kōn kopā ko aer, im bar jet rej jekjek raan wōjke ko, im ere iaļ eo kaki. [9] Im ro rej ilok iṃaan ļok, im ro rej ļoortok, rej laṃōj im ba, “Hosana! E ṃōṃōṃō Eo ej itok ilo etan Irooj; [10] E ṃōṃōṃō aelōñ eo ej itok, aelōñ an jemād Devid; Hosana ñan ijo e utiejtata!”

Jisōs ear jijet ioon donkey eo im deļōñ ilo Jerusalem āinwōt Anij e kar ba Enaaj kōṃṃane. Ear kaṃool bwe E ineen kōrā eo me Anij ear kallimur kake ilo Jenesis 3:15. E Ri Lomōḡor eo.



Zekaraia 9:9 Kwōn kanooj lañlōñ, kwe, jiroñ eo nejin Zaion; kwōn laṃōj kōn ṃōṃōṃō, jiroñ eo nejin Jerusalem! Lo, Kiiñ eo aṃ ej iwōj; E wānōk im ewor lomōḡor Ippān; ettā, im Ej uwe ioon juon donkey im ioon juon koon, nejin donkey kokōrā.

* **Anij e tiljek, im E jab oktak.**

Armej ro raar ṃōṃōṃō ippān Jisōs.

- Raar nōbar E āinwōt Eo im ri kanaan ro raar rūkanij kake bwe En aer Kiiñ.
- Bōtab, enañin aolepeir raar jab lōke Jisōs bwe En lomōḡoren er jān kajoor an Setan, jerḡowiwi ko aer, im kaje eo jān Anij.
- Raar kōṃaan wōt bwe Jisōs en aer Kiiñ bwe En lomōḡoren er jān ri kōjdat ro aer, eļaptata jān ro ri Rom me raar ioon ioon aelōñ eo aer.

3. Pepe eo an ri rōl ro



Mark 14:1,2 Ilōkōn ruo raan kwōjkwōj in kijoone, im pilawā e jab uwe; im pris ro reļap im skraib ro rej pepe, enaaj kōjkan aer jibwe E ilo ṃoṃ im ṃan E, bwe rej ba, “En jab iuṃwin kwōjkwōj, ñe ab iruj armej.”

Ri tōl ro raar kōṃaan ṃan Jisōs, bōtab raar mijak armej ro. Jisōs e buñbuñ ippān armej ro kōn An kar kōṃṃan elōñ men in kabwilōñlōñ ko. Jej lo joñan an nana armej, bwe meñe ri tōl ro raar lo men ko reṃṃan Jisōs ear kōṃṃani, im raar roñ katak ko An reṃṃan, raar jab kōṃaan kōttāik er ñan E. Raar kōṃaan wōt ṃan E.

* **Armej rej ri jerḡowiwi. Rej aikuj Anij, im re jab maroñ make lomōḡoren er.**

4. Judas ear pepe in ketak Jisōs.



Mark 14:10 Im Judas Iskariōt, juon iaan joñoul im ruo, ej ilok ñan ippān pris ro reļap, bwe en ketak E ñan er.

Judas ear juon iaan 12 rū kaļor me Jisōs ear kǎālōti. Bōtab Judas ear jab būromōj kōn jerōwiwi ko an make. Ear jab lōke Jisōs bwe En lōmōoren e jān nana ko an. Ear ļoor Jisōs bwe en lōñ an make jeraamman. Ilo Jon 12:6, ej ba bwe Judas ear juon ri koqot. Ear lale bōjo in mani an Jisōs im rū kaļor ro, ak ear kijoñ in koqot jān e. Kiiō Juda ear pepe in ketak Jisōs.

Men ko Anij ej ba ilo Naan ko An re tōprak.

- Anij ear ba bwe juon jeran Jisōs enaaj ketak E.
- Judas ear juon jeran Jisōs iumwin 3 iiō.



Sam 41:9 Aet, jera eo e jitōnbōro ippa, eo iar lōke, im ear mōñā jimattan kijō, ear kotak jimwin neen ñae eō.

Setan ear tōl Judas bwe en kōmman men in. Setan ej juon ri nana, im ej dike Jisōs. Bōlen Setan ear ļomnak bwe e maroñ koqkure karōk im pepe eo an Anij eļañne e maroñ kareel ri tōl ro bwe ren man Jisōs.

Judas ear etal ñan ri tōl ro an ri Ju im ba bwe e mōñōñō in ketak Jisōs.



Mark 14:11 Im ke rej roñjake e buñbūrueir, im rej muri bwe ren leļok ñan e mani. Im ej pukot iien emman bwe en ketak E ñan er.

Matu ej ba bwe ri tōl ro raar leļok ñan Judas 30 mōttan silver. Joñan in ej oņean wiaik juon ri kamakoko. 500 iiō mokta ļok, Anij ear ba ñan ri kanaan Zekaraia bwe men in enaaj waļok.



Zekaraia 11:12,13 Innām iar ba ñan er, “Eļañne emman ippemi, koñwin letok oņeaō; ak eļañne jab, āinwōt juon.” Im raar joñe oņeaō: jilñuul mōttan silver. Innām Jeova ear ba ñan eō, “Kwōn joļok ñan ri kōmman jāpe oņeaō emman eo raar watōk e.” Im iar bōk mōttan silver ko jilñuul im julōki ilo mōn Jeova ñan ri kōmman jāpe.

Aolep naan in rūkaanij ilo Bible re jejjet.

5. Armej ro raar kōpojak ñan Kwōjkwōj in kijoone.



Mark 14:12 Im raan mokta iaan raan ko raan in pilawā e jab uwe, ke rej katok kōn men in kijoone, rū kaļoran rej ba ñan E, “Ewi ijo Kwō kōñaan kōmin ilen kōpojak, bwe Kwōn mōñā men in kijoone?”

Ke raar lale kwōjkwōj in kijoone, raar kememej ta? Raar kememej iien eo ke enjeļ eo ear kijoone moko imōn ri Israel eļañne raar likūt bōtōktōk iturin kōjām ko. Iien in ej ke Anij ear lōmōoren er jān Ijpt.



Mark 14:13-15 Im Ej jilkinłok ruo iaan ro rū kałoran im ba ñan erro, “Komwin ilok ñan lowaan jikin kweilok eo, im juon armej enaaj ioon komro ej bōktok kein itōk; komwin loor e. Im ijo jabdewōt ej deļoñ ie, komwin ba ñan irooj in mweo, ‘Ri Kaki ej ba, “Ewi mōjabuweo ijo I naaj mōñā men in kijoone ippān ro rū kałora?”’ Im enaaj ba kajjien ñan komro po jabeo eļap eņōj kōkōmmanmōn im kōpooje; ijo komwin kōpooj mae kōj ie.”

Jisōs ear jeļā bwe enaaj wor juon emmaan im elōñ an kein itōk dān. Anij e jeļā aolep men. Ear jeļā 500 iio mokta łok bwe juon enaaj ketak Jisōs kōn 30 mōttan silver. Anij e jeļā aolep men kōn mour ko ad.



Mark 14:16 Im rū kałoran rejro ilok, im deļoñ ñan lowaan jikin kweilok eo, im lo ainwōt Ear ba ñan er; im rej kōppojak men in kijoone.

6. Jisōs ear jeļā wōn eo enaaj ketak E.



Mark 14:17,18 Im ke e jota Ej itok im joñoul im ruo Ippān. Im ke rej jibadek im mōñā, Jisōs e ba, “Juon iaami enaaj ketak Eō, aet eo ej mōñā Ippa.”

Jisōs ear jeļā wōn eo enaaj ketak E meñe ejjeļok ear ba ñan E. Jisōs ej Anij, im E jeļā aolep men. Ak Jisōs ear yokwe leo.



Mark 14:19,20 Im rej jino in būromōj, im kajju aer ba ñan E, “Ña ke?” Im E ba ñan er, “E juon iaan joñoul im ruo, eo ej kattu łok Ippa ilowaan jāpe.”

Ke ri Ju ro raar mōñā ippān doon ilo wāween in, raar kijoñ in ruje mōttan pilawā me ear pād ioon tebōļ eo, im raar kattuloke ilo juon bowl me elōñ bar mōñā ie. Jisōs ear ba bwe armej eo me enaaj ketak E ear kattu pilawā eo kijen ilo ejja bowl eo wōt Ippān.



Mark 14:21 “Nejin armej ej ilok, im ainwōt jeje kōn E; a wo ñan armej eo ej ketak Nejin armej! Enaaj kar eņman eļañne armej eo ear jab lotak.”

Elōñ iien Jisōs ear kajerbal āt in, “Nejin armej,” kōn E make kōnke meñe E Anij, barāinwōt E armej. Jisōs ear jeļā bwe Ej aikuj in mej bwe En kōļļā oņean nana ko an armej. Bōtab, ear wor ruōn Judas kōnke ear make pepe in kōmman men in. Nana eo me Judas ear kōmmane ear juon kein kaṃool bwe ear jab lōke Jisōs bwe En lōmoņoren e jān jerōwiwi ko an.

7. Pilawā eo im wain eo.

Mark 14:22-24 Im ke rej mōñā, Jisōs ej bōk pilawā, im jar im ruje, im leļok ñan er im ba, “Komwin bōk e; men in ānbwinnū.” [23] Im Ej bōk kab, im ke eņōj An jar, Ej leļok ñan er; im er otemjej rej ilimi. [24] Im E ba ñan er, “Men in daō in kallimur, eo kōtoņorłok e ñan elōñ.”

Jisōs ear kōmmeleļeik ro rū kałoran bwe, ainwōt rej ruje pilawā eo (ilo juon wāween ba, raar kōkkure

loaf in pilawā eo), armej renaaj kōkkure ānbwinnen. Wain eo ear jutak kōn bōtōktōken, me ear kōtōrloḷok bwe En kōllā oḡean nana ko an armej im loḡoḡoren er. Wain eo ear dān in grep me eḡōj an meñ. Bōtab ear jab kanooj kajoor, im raar kāreiki ippān aebōj. Wain eo ilo raan kein e oktak im eḡaploḷok an kajoor.

Men kein raar waḷok ilo iien an ri Ju lale kwōjkwōj in kijoone. Ilo raan in kijoone eo ilo Exodus, Anij ear ekajet ro ri nana: ri Ijijpt ro. Kab, Ear loḡoḡoren ro ri Israel. Ilo iien eo juon lamb me eḡjeḷok ḡotan ear mej. Raar katōrloḷok bōtōktōken im likūte iturin kōjām eo. Anij ear ba, “Ñe Ij lo bōtōktōk eo Inaaj kijoon koḡ” (Ex 12:13). Etke raar jab mej? Kōn bōtōktōk eo. Lamb eo ear juon wan joñak kōn Jisōs. Ke Jon ri peptaij ear lo Jisōs, ear ba, “Lo, Lamb an Anij, Eo ej bōkloḷok an laḷ jerōwiwi” (Jon 1:29).

Kōj, ekkar bwe jen mej kōn nana ko ad. Eḡjeḷok juon men je maroñ kōḡḡmane bwe en jako ruōd im bwe jen medek Anij. Wāween de in ej bwe juon eo me eḡjeḷok ruōn en mej ilo jikōd, im E in Jisōs. E kanooj ḷap yokwe eo An, bwe meñe Ear jeḷā kōn eñtaan eo Enaaj eñtaan kake, Ear wanḡaanloḷok im mej kōn kōj. Ear mej bwe jen mour.

Kajjitōk ko:

1. Ewi eon eo ḡoktata ilo Baibōḷ me ej kōnono kōn Gospel?
2. Āin de et loḡḡnak an armej ke Jisōs ear deḷoñ ilo Jerusalem?
3. Eḡōj ke an juon ri kanaan ba bwe Jisōs enaaj uwe ion juon donkey im deḷoñ Jerusalem?
4. Ke Jisōs ear deḷoñ ilo Jerusalem, aolep ro raar nōbar E raar kōḡaan loḡoḡor jān jerōwiwi ko aer ke?
5. Jisōs ear jeḷā wōn eo enaaj ketak e ke?
6. Ñāat eo im Jisōs ear kejota ak kwōjkwōj?
7. Anij ear loḡoḡoren wōn ilo iien kijoone eo?
8. Ewi wāween An kar loḡoḡoren er?
9. Raar aikuj in kōḡḡman ta kōn bōtōktōk eo?
10. Wōn ej Lamb in Kijoone eo ad?
11. Erri men ko ruo im jej bōki ilo iien ad kwōjkwōj?
12. Pilawā ej jutak kōn ta?
13. Dānnin grep ej jutak kōn ta?

